

[1]

MICHAELSON

677/8



Digitized by the Internet Archive
in 2018 with funding from
Wellcome Library

<https://archive.org/details/b30373852>

DISSERTATIO MEDICA
INAUGURALIS,

DE

GONORRHOEA VIRULENTA:

QUAM,

ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,
ACADEMIAE EDINBURGENAE PRAELECTI;

NEC NON

*Amplissimi SENATUS ACADEMICI consensu,
Et nobilissimae FACULTATIS MEDICAE decreto;*

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS,
ERUDITORUM EXAMINI SUBJICIT

THO. MICHAELSON, ANGLO-BRITANNUS.

Ad diem 16 Junii, hora locoque solitis.

*Quin etiam illud
Accidit, ut cuidam testes, caudamque salacem
Demeteret ferro. Hor. sat. 2. l. 1.
Sperne voluptates, nocet empti dolore voluptas. Hor. ep. 1. l. 1.*

EDINBURGI:

Apud HAMILTON, BALFOUR, & NEILL
ACADEMIAE TYPOGRAPHOS.

2416714



ROBERTO MICHAELSON,

A R M I G E R O,

JUVENI EGREGIAE SPEI,

FRATRI AMANTISSIMO,

QUI SEMPER PATERNUM OSTENDIT ANIMUM,

MORES EXEMPLO FORMANS,

STUDIA LIBERALITATE PROMOVENS;

PRIMITIAS HASCE

GRATO OFFERT ANIMO

THO. MICHAELSON.

DISSERTATIO MEDICA

INAUGURALIS,

DE

GONORRHOEA.

QUUM legibus hujus Academiae sancitum sit, ut unusquisque honoris Medici Candidatus scientiæ peritiæque suæ specimen ederet, argumentum quoddam obvium et utile se- ligere, quàm obscurius et inutilius ingenio, quod fateor esse exiguum, excolere melius fore putavi.

Nullus est ferè morbus Gonorrhoeâ Virulentâ vel frequentior vel infestior, nec in quo magis confir- matur veritas primi HIPPOCRATIS aphorismi, ubi haec habet verba : “ Vita brevis, ars longa, “ occasio celeris, experimentum periculosum, ju- “ dicium difficile.” *Gonorrhoea* derivatur a *γενν* genitura, et *ρῆῶ* fluo.

Saevi hujus morbi, etsi ab anno 1493 in Europa cogniti, feliciter sanandi methodus (tam parvos fecit medicina progressus) ad saeculi hujus initium usque latuit.

An in Asia, Africa, vel Europa, ante hoc tempus, sese patefecerit, in re tam antiqua, affirmare difficile est. Inter omnes autem qui de medicina, aliisque rebus ea aetate gestis, aliquid scripserunt, constat, tabem hancce ex Hispaniola in Hispaniam, anno 1493, a Columbo delatam esse. Anno sequenti, Neapoli a Gallis obsessâ, milites Hispani ad auxilium ejus missi morbum hunc secum apportarunt, foeminasque Neapolitanas veneno inferunt; hae vicissim Gallos, qui sordes hasce, morumque pravitatem et luxum citò per totam Europam vulgabant.

Eodem ferè tempore in Asiam et Africam in-
vectus est hic morbus a Judaeis et Mahometanis quibusdam, qui ex Hispania a Rege Ferdinando in exilium acti erant.

Varia fortitus est nomina a variis gentibus unde manabat; ideoque, apud nos, qui a Gallis eum accepimus, *Morbus Gallicus* appellatur.

Sub primum ejus indicium, latè evagata est vis morbi, utpote * medicis, aequè ac aegris ignoti, horrendamque ubique edidit stragem: † hodie verò multò mitior lentiorque evasit; adeoque efficacibus oppugnatur remediis, ut ASTRUCIUS, et si falsus videatur esse vates, a regionibus nostris septentrionalibus omnino discessurum esse crediderit; sed adhuc nimis viget, semperque, ni fallor, dum homines libidinibus serviunt, quodammodo vigebit: minore tamen cum periculo, faciliusque hoc monstrum debellari posse sperare indies liceat.

De veneni hujus venerei natura, inter auctores non omnino convenit. Omnia certè argumenta quaquaversum adducta cautissimè ponderanti satis obscura dubiaque videbuntur, ut ‡ ASTRUCII, de acida vel acido-falsa hujus veneni natura, et || HOFFMANNI sententia, vim nocivam deberi particulis quibusdam septicis, putrescentibus forsan
et

* Vid. Laur, Phris. Aphrod. tom. 1. p. 146.

† Sydenham. p. 328.

‡ Vid. tom. 1. p. 126.

|| Vid. Med. Syst. Rat. tom. iii. p. 415. § viii: ad x.

et fermentationibus; nec mirum, si de subtilissimis istis venenis oculorum aciem fugientibus, quorum minima miasmata in corpora nostra inducta, tam miras diversasque noxas producant, adeo parum lucis * principibus in arte medica viris affulgeat. Cùm hujusmodi experimenta adeo sint difficilia et incerta, ex hisce demonstratio nondum patet, et vix unquam patebit.

Et si omnes medici, qui circa finem saeculi 15 vel initium 16 vixere, uno ore consentiunt, hunc esse morbum novum, aequè tamen dissentiunt de causa ejus et origine; aliis ad stellas noxias et maleficas; aliis ad coeli intemperiem; aliis ad victum insalubrem; aliis ad foeminas leprâ laborantes; aliis, denique, ad abscessus in vagina decurrentibus. Sed haec deliramenta imaginaria et superstitiosa tandem abolevit vetustas; et celeberrimus † ASTRUCIUS multum laboris impendit absurditates hasce refutando. ‡ Medici quidam recentiores, nec ignobiles, ab attritione accedere, et foeminam sanam cum sanis etiam viris, nimio tantum et promiscuo coitu, corripì hoc morbo posse, putarunt.

* Vid. Glaub. Pathol. p. 245. de Potentiis quae virus habent.

† Tom. 1. p. 67.

‡ Vid. Springel. § xvii. Aph. 1.

tarunt. Sed reverà dubitari potest, an haec sit vera causa necne. Si antiquis Historicis et Poetis credere fas sit, longè antequam cognosceretur hic morbus, apud antiquos aequè invaluit luxuria, ac hodie apud nos; et, secundùm quosdam auctores, quo plus homines sapiunt et scientia promove-tur, eo minus barbariei, eo major morum ele-gantia.

Alii hunc morbum hominibus immissum esse cre-dunt, qui cupiditates nostras effrenatas regeret, et in ordinem coerceret, ut TULLIUS alibi observat :
“ * Neque sine magna utilitate constitutum esse vi-
“ detur, ut homines castigationibus affici se in de-
“ lictis dolerent.” Sed arcana DEI consilia ni-miâ curâ perscrutari non hujus est loci; et praeter-ea, esset impium et profanum: nos potius inqui-ramus quid factum sit, quàm quid factum esse o-portuerit.

De vero modo quo venenum hocce in urethram invehitur, gravissimus est inter auctores error; et mirum quidem est, magnum BOERHAAVIUM et ASTRUCIUM, homines aliàs subacti judicii, in re hujus momenti, adeo hallucinari, praesertim
quum

* Vid. Tusculan. Quaest. lib. 4.

quum hâc ritè cognitâ, tantum curandi methodus illustraretur.

BOERHAAVIUS per poros, ASTRUCIUS per lymphatica, infectionem accipi putavit ; sed, pace tantorum virorum, dixerim, uterque mihi hallucinari videtur : si enim per poros, glans tantum afficeretur, si per * lymphatica, ad glandulas inguinales vel ductum thoracicum deveheretur, et lues cum bubone produceretur, quae omnia saepe vidi sine Gonorrhoea. Penetrat potius per aperturam vel rimam penis, et hoc experientiae consentaneum est ; et nonaginta novem ex centum qui hoc morbo laborarunt, observasse summam penis partem primò affectam esse, affirmare ausim ; quam, experimenti causâ, si quis premat, et leniter quodcunque fluit exprimat, tunc, paulo altius progrediendo, iterumque exprimendo, nullum recentem humorem observet ; inde credere fas erit, partem ex qua materia fluit esse partem affectam, quod magis constat ex dolore erectionis et dysuria, quae nunquam sentitur, donec urina ad locum illum perveniat ; et haec opinio illam partem urethrae primò Gonorrhoea affectam esse, a magno

BOER-

* Vid. clar. Monro jun. Differt. de Lymph. Valv.

BOERHAAVIO hisce verbis confirmatur : “ * Prima
“ et mitissima species est, quando cancer venereus
“ sive ulcusculum illud saniem fundens in urethra
“ intima, haeret ad illum locum ubi glandi com-
“ mittitur fraenulum praeputii, nec ulterius pro-
“ serpit malum. Primam speciem Gonorrhoeae sic
“ distingues ; veniat ad te aeger matutino tem-
“ pore, antequam urinam nocturnam eminxit ;
“ jube tunc ut digitis proximè ipsam glandem ap-
“ plicatis, eam exprimere conetur, tunc tu vi-
“ dens materiam exire, cognosces esse in illa parte
“ cancrum venereum ; ut autem scias an et altius
“ proserpat malum, jube paulo magis retro glan-
“ dem premere incipiat, sicque videbis quousque
“ pertingat.” Nec difficile erit concipere quomo-
do in urethram devehatur, si magnam copiam mu-
ci, veneno venereo impregnati, in vagina tempore
coitûs fluitantis consideremus, hic mucus glandem
undequaque complectitur, cujus pars quaedam ne-
cesse deponatur in parte illa urethrae leviter com-
pressae quâ adest ejus mucus qui † est nidus motui
intestinali aptissimus, et quousque hic motus sese ex-
tendere potest, eousque morbus urethram penetrat.

De

* De Lue Venerea.

† Vid. Astruc. lib. i. p. 134.

De morbi hujus fede nec inter auctores convenit. Dissectiones a variis medicis et anatomicis factae, quibus eam facile statuere viderentur, extra controversiae aleam hanc rem minime ponunt: quia * vesiculas feminales tumidas, inflammatas vel suppuratas, † prostatas ex magna parte ulceratas saniosum virulentumque ichorem emittentes, ‡ easdemque inflammatas et suppuratas, || ulcera vel callositatem in corporibus incisis invenerunt, unde Gonorrhoeam a singulis hisce oriri existimant. ** BOERHAAVIUS cum corpora quorundam qui ex hoc morbo periere, cultro anatomico subjecisset, partes tumidas quidem, sed non erosas invenit, inde Gonorrhoeam ab auctis lacunarum orificiis deduxit: et haec sententia apud recentiores anatomicos et chirurgos, qui varia corpora ad hanc rem constituendam apta disseccuerunt, aliis palmam praeripuit. Multa quidem sunt quae me inducunt, ut vesiculas feminales nunquam affici credam:

* Vid. *Memoires de l'Academie des Sciences*, anno 1711.

† Vid. Vigeri de Chirurg. lib. 3. cap. 60.

‡ Marc. Aurel. Severin. Vid. Barthol. Histor. Centur. 2. Hist. 36.

|| Vid. eundem.

** Nam quoties in castris datur occasio cadavera aperiendi, inventum, quod Gonorrhoea non erodat, sed tumorem tantum faciat. Vid. Praelect. Acad. de Morbis Venereis, p. 27.

credam : Gonorrhoea a simplici usque ad inveteratam, odorem semper foetidum mucosum ; semen verò fortem * volatilem, a priori facile distinguendum, habet. Praeterea, vix credibile est, Testes tantam secretionem facere, vel vesicularum feminalium ductus adeo relaxari, ut continuo humores effundant, quod in Gonorrhoea fit. Porro, vix concipi potest, homines tantam feminis liquoris adeo elaborati jacturam, sine maximo damno, ferre posse : sed experienciâ constat, Gonorrhoeam copiosissimam sine illis symptomatibus, quae feminis magnum dispendium comitantur, ut in veneri nimis indulgentibus observare licet, per menses aliquot durasse. Prostatae, ni fallor, rarissime afficiuntur, etiam cum aliquamdiu morbus duraverit ; dysuriâ enim, glandem premendo, &c. ut ante memoravimus, p. 7. penis extremitas hujus morbi sedes frequentissime esse videtur. Utrum autem urethra angustior reddita apud partem glandis superiorem, morbi progressum sistat, affirmare vix ausim, quam verisimillimum esse videtur ; semper enim observavi virus progressum solito celeriore per urethram fecisse in iis qui *bougies* usi fuerunt ut urethram latiore redderent, quodque longius confirmatur, glandem premendo, et dysuriâ altius in pene

B

sentitâ,

* Haller. Prim. Lin. Physiolog. p. 513. § 790.

fentitâ. Ni tumor adfit, multa me incertum reddunt, an ulcera exiftant, etfi apud plerofque ea ut Gonorrhoeae fontes traduntur. Ulcera venerea, in aliis corporis partibus occurrentia, arida funt, et nullo, vel minimo faltem humore madent. Praeterea, Gonorrhoea inveterata, ni tumor adfit, injectionum aftringentium ufu, fifti poteft, quod vix fieret, fi ab ulcere originem duceret: ulcus enim fubftantiam amiffam fupponit, quae, quamvis minima, tam brevi tempore nunquam reparari poteft. Ulcera forfan quae in externa glande occurrunt, hîc objici poffunt; fed confiderandum venit, quod virus in urethra in ftatu diluto eft, et continuo è corpore aliquatenus faltem fecretionibus auctis eliminatur, dum virus cryptis glandis adhaerens, in ftatu intimo et arctè convenienti, et fine ulla dilutione, fervatur, et forte majorem acrimoniam liberiore aeris accelfu acquirit: morbus aliquando, fine damno partibus interioribus illato, contrahitur. Sic * SYDENHAMUS, non ab urethra, fed porofa fubftantia glandis fine ulceratione ejus vel praeputii egrediente, obfervavit. Hoc faepe occurrit, et ipfe aliquando vidi. Sed vir ille magnus, alioquin fagaciffimus, et de republica medica optimè meritus, hac re deceptus;

corpora

* Vid. p. 329.

corpora spongiosa sedem esse morbi, et necessario corrodi et ulcerari, priusquam virus in urethram penetrare potest, decrevit: sed materies non a substantia glandis, sed cryptulis quae eam accingunt, excernitur.

Hoc analogiâ confirmatur; nam in aliis corporis partibus quae mucum fecernunt, propria veneni venerei sedes esse videntur: sic confirmata lues in palato, naribus, faucibus, mammis, &c. ubi hae glandulae in magno numero adsunt, imprimis apparet. Si ex analogia judicare licet, et a symptomatibus antea memoratis, quaeque a * BOERHAAVIO celeberrimo signa certissima existimantur, concludendum est, materiam plerumque a cryptulis parvulis partis urethrae inferioris, et rarissimè a prostaticis glandulis COWPERIANIS, &c. profluere. Nihil obstat huic opinioni magna copia materiae excretae; nam experienciâ constat, glandulas ejusdem generis, ab acri humore in folliculis stagnante, vel

iis

* In omnibus casibus commendo, ut bene attendatis, an Gonorrhoea ultra hos limites se extendat; videbitis urinam, matutino tempore exceptam, sanissimi hominis speciem induisse; sed postquam premat glandem, omnem affert materiam; quia noctis quiete omnis collecta materies asservatur, quae postea quasi scabrae anguillae lotii instar expellitur, et hoc signum infallibilissimum. Boer. Praelect. Acad. de Lue Ven. p. 27.

iis applicato, et ductus eorum excretorios stimulan-
te, magnam humorum copiam saepe effundere, ut in
catarrho, quadam ophthalmiae specie, et fluore albo.
Denique, Gonorrhoea in duas species dividi potest;
Mitem, nempe, et Inveteratam; illa destillationem
a cryptis urethrae sine ulceratione, haec prostratas
occupans, tumorem, ulcus, &c. creat. Omnia sym-
ptomata ab una vel altera progredi possunt, quam-
vis, secundum morbi virulentiam, aegrique habi-
tum, diversumque partium affectarum situm, va-
riari possunt, et mitis in inveteratam degenerare
potest.

Quarto plerumque die, a veneni venerei con-
tactu Gonorrhoea apparet, aliquando citius tardi-
usve, pro veneni inficientis copia vel virulentia,
aegri corporis habitu, aut victus exercitationisque
genere. Cum primò patescit, lymphæ candidula
vel serum viscidum ex urethrae extremo leniter
profluit, orificium conglutinatur, et rubrum cali-
dumque fit, latiusque dehiscit, cum interim canalis
paulo altius angustior redditur.

Æger urinam reddendo titillationem sentit, non
sine calore quodam dolorem sensim afferente; prae-
putium sine magno dolore tumet, glandulamque
arctè

arctè complectitur ; fraenum contrahitur, tactuque dolet ; acribus et pungentibus doloribus glans excruciat ; erectio crebra et involuntaria fit, praecipue cum aeger lecto calet, vel tempore calido ; strictura urethrae violenta est, et penis deorsum flectitur ; materia vel purulenta, viridis, flava, alba vel cineritia, et sanguineis maculis distincta, copiosius fluere incipit.

RATIO SYMPTOMATUM.

Materiae inficientis particulae acres, glandulas quas intraverunt ad vibrationes crebriores violentioresque, liquorisque majori copiâ quam in statu sano effusionem excitant, dum interea venae bibulae, quae arteriis exhalantibus respondent, quaeque patefcunt in folliculorum cava, solito haud copiosius humores resorbent. Mucus tenuis, et magnâ copiâ fluit ; quia diutius manere et crassior fieri non licet ; sed ab hoc stimulo, simulac secernitur, ejicitur. Mucosus, qui urethram lubricam reddere solebat, assumpto et abluto, urinae salinae partes urethram, quae tunc solito magis tenditur, et minima quaeque sentit, attingunt et rodunt. Primò, hoc gratam efficit titillationem ; post mucum autem ablatum, et
partes

partes nervosas magis detectas, sequitur dolor pungens et fervidus. Simulac virus urethram attingit, contractionem et tensionem ejusdem inducit, quod et omnia alia acria faciunt; virus per fraenum decurrens, fraeni contractionem et tensionem quoque facit; unde dolor erectionis tempore, et penis deorsum flexio (*cordee* vulgò dict.) oriuntur; urethra tali modo contracta, stricture et interdum ischuria inducuntur, virus glandis nervos exquisitos irritans, crebras et involuntarias facit erectiones.

Glandulis ita inflammatis, propter arteriarum vibrationes crebriores et violentiores, secretiones erunt copiosiores, et magnâ vi materia vasis secretorii ejicietur. * Analogiâ constat, nihil in glandulae cujusdam fabrica esse, unde secretio eadem semper oriri possit; velocitate enim solito majore minoreve, vel nervorum stricture, longè alios liquores glandulas, quam cum sanæ sint, effundere posse, negandum non est; indeque oritur materia viridis, alba, &c.

Gonorrhoea, multis de causis, nihil aliud esse videtur, quam veneni venerei excretio critica a
Natura

* Haller. Prim. Lin. Physiol. p. 126. § 220.

Natura destinata, et menstruum ad virulentiam ejus dissolvendam, et per urethram expellendam; et itaque persistat donec virus removeatur, ni causa aliqua sistatur. E centum Gonorrhoea virulenta laborantibus, nonaginta pristinam sanitatem recuperaturos, et virulentiam ultro discessuram esse, credo; (modo non sint valde irritabiles) nullâ aliâ ope adhibitâ, nisi liquores emollientes, refrigerantes et diluentes, copiosè bibendo, partes nitidas servando, victu tenui et parco utendo: hujusmodi exempla vidi. BOERHAAVIUS fluxum contra mala pejora tutamen esse censuit; hoc autem fieri non potest, nisi virulentia hoc modo sit subacta. Postquam virus expulsum fuerit, inflammatio, calor, dolor, aliaque morbi symptomata, eadem ratione minuuntur, fluxus quotidie minore copia prodit, crassior, albior fit, ac deinde omnino cessat, cum pristinam sanitatem glandulae recuperaverint.

D I A G N O S I S.

Diagnosıs hujus morbi facilis, ab ulcerato rene vel vesica; quia in hisce pus non nisi cum urina egreditur. Facilis quoque a Gonorrhoea nimio labore

labore induc̃ta ; quia tunc nullus dolor, nulla dysuria, nullave malignitas.

P R O G N O S I S.

Gonorrhoea, dum materia flava, aut alba, aut spissitudinis idoneae, copiosè fluit, aliaque signa moderata sunt, periculo vacat, et majore vel minore tempore, pro signorum violentia, materiae inficientis acrimonia, et sanguinis habitu, &c. facile sanatur. Si autem longius progressa inflammatio, et si nimiùm relaxati sint ductus excretorii, longum erit antequam statum pristinum recuperabunt ; haud raro quoque materiae destillatio (*gleet* dicta) durabit. Luem veneream Gonorrhoea rarissimè faciet, si sibi metipsum relinquatur ; si autem incautè sistatur, virus per vasa lymphatica in glandulas inguinales vel in sanguinem viam inveniet, et bubonem aut luem veneream producet.

P R O P H Y L A X I S.

Haud alienum erit priùs, pauca edere de infectione praecavenda, quàm ad methodum medendi progrediar,

progrediar, quod et plerique auctorum fecerunt : ita partium lotionem aquâ tepidâ post coitum suspectum, laudant BOTTALUS, ALMENAR, TOMITANUS, FALLOPIUS, et * BORGARTIUS ; quorum ultimus, omnibus morbum Gallicum suspectantibus tutissimum fore, dicit, si post coitum, penis et scrotum aquâ calidâ cautè et repente laventur. † HOFFMANNUS quoque aquam d' *Arbusade* dictam, cum spir. vin. camp. et succin. internè; vel spir. c. c. succin. bezo. nitr. camp. aliaque sudorifica, praescribit.

Si in urethram, eo quem conatus sum ostendere modo, devehatur virus, per aliquot saltem dies, in interna urethrae superficie perstabit, indeque haud erit difficile venienti occurrere morbo, aut adeo saltem debilitare, ut brevi tempore discedat.

Utilissimum esset omnibus, qui sibi ipsis concubitu vago indulgent, glandem ante coitum unguento aliquo illinere, quod et poros et lymphaticorum ora obstruat, luem veneream instantem avertat; post coitum quoque, instrumentum exploratorium lino involutum in eam urethrae par-

C

tem

* Vid. Aphrod. tom. ii. p. 132.

† Vid. Med. Syst. Rat. tom. iii. p. 366.

tem quae minimè comprimitur, immittere, ut mucum absorbeat, et ol. amygdal. dulc. ut quod reliquum est acrimoniae obtundat, postea in urethram injicere oportet. Haec enim maximè proderunt, etiam cum penis rima rubescere et dysuria supervenire inceperit.

M E D E N D I M E T H O D U S.

Supra ostendere conatus sum, virus venereum in urethrae cryptulas incidens, ad easque partes humorum fluxum excitans, inflammationemque, &c. faciens, Gonorrhoeae virulentae causam esse; indeque patet medendi methodum hujusmodi instituendam esse.

1mo, A partibus laborantibus humorum fluxum avertere.

2do, Ardorem urinae tollere, virus obtundere et expellere.

3tio, Partes corroborare, et ad pristinum statum reducere.

1mo,

imo, In hoc, ut in aliis omnibus morbis inflammatoriis, ab initio venaeſectione liberè utendum eſt, ut aegri vires ferre poſſunt, et ſymptomata poſtulant: ſic enim fluidorum impulſorum momentum et vires minuentur, vaſorum diſtentione et ruptura praecavebuntur, vaſisque obſtructis copia erit fluida ſtagnantia diſcutiendi, et circulationem aequabilem promovendi.

2do, Poſt venaeſectionem, veneni expulſionem, evacuationem et dilutionem nihil magis promovebit, quàm vaſa implendo talibus liquoribus, qui omnia etiam parvula permeabunt: e. g. Emulſione Arabica, althaeae et ſem. lini decoct. cum parva copia nitri; ea enim, circulatione ad partes irritatas delatâ, ſeſe veneno fluidisque obſtructis inſinuant et diluunt vaſorum actione, ac ſeipſa interſerendo inter veneni ſpicula particulaſque obſtruentes, a ſe invicem divellunt; conſtat enim omnia menſtrua aquoſa venena cujuſcunque generis inertia reddere. Parvularum cryptarum ſecretionibus tali modo auctis, iisque liquoribus per arterias exhalantes tranſeuntibus; inde menſtrum ſuppedit, quo virus in urethram abluetur, et ſecretio uberior a renibus facta, virulentiam quae diſſolvitur, et a ductibus

ductibus excretoriis in urethram ejicitur, e corpore urinae torrente devehet,

Si alvus nec ultro, nec usu decoct. supra dictarum laxetur, quotidie aperienda est manna crem. Tart. fal. Glaub. &c.

Cathartica fortia inflammationis tempore nunquam sunt adhibenda, nec Gonorrhoea purgantibus medenda est; quantamcunque huic methodo auctoritatem consuetudo dederit.

* SYDENHAMUS sanguinem infectum esse, et purgationem quotidianam optimam methodum esse credidit, cui eo usque insistendum est, inquit, donec urinae ardor, et color flavus materiae seminiformis admodum imminuatur. Haud satis quidem dolendum est, morem illum fortia exhibendi cathartica tantum invaluisse: Experimentiâ enim omnium, qui hoc morbo laborant, urinae ardorem *cordee*, &c. eo quo alvus purgatur die, augeri constat.

Sed

* Vid. Sydenham. p. 333.

Sed praeterea, cathartica stimulo suo intesti-
norum motum peristalticum augent, partesque
liquidiores ibi contentas alvo expellunt; inde-
que renum secretiones minuentur, nec virus quod
dissolutum, et in urethra depositum erat, inde
urinae torrente abluetur. Nullam, denique, hac
methodo noxiores scio; digestionem enim impedit,
vires imminuit, sanguinis idiosyncrasiam perdit,
Gonorrhoeam non virulentam et imbecillitatem
feminalem inducit, quae in aegris, praesertim de-
licatis et hecticis, ad supremum usque diem haud
raro permanent.

Mercurialia eatenus tantum, ni fallor, in Go-
norrhoea profunt, quatenus humores attenuant et
veneni evacuationem augere possunt; sed fluidis
velocitatem impertiunt, itaque nocent.

ASTRUCIUS etiam, quanquam remediis mercuri-
alibus quam maximè confidebat, ea tamen in Go-
norrhoea sananda omnino excludit*. “Ufus autem
“frequens et iteratus praeparationum mercurialium
“indies obsolescit, nec immeritò meâ sententiâ.
“Medicamentorum enim talium usu ventriculum
“debilitari viresque minui constat, quod haud
“parvi

* Lib. 3. p. 233.

“ parvi est; sed quod adhuc majoris est momenti,
 “ sanguinis acrimonia adeo augetur, ut ulcera
 “ quae receptaculis feminalibus latebant, sanguine
 “ acriore reddito, maligniora fiant et sanatu dif-
 “ ficiliora. Saepenumero vidi, nec dubitandum
 “ est alios medicos idem vidisse, mercurialibus
 “ etiam cautè adhibitis, dysuriam decedentem
 “ denuò restitutam, et humorum fluxum prope
 “ exsiccatum, pristinam virulentiam recuperan-
 “ tem, ut ex colore flavo et viridi clarè ap-
 “ paruit.”

Quid alii de iis, quae contra purgantium et mer-
 curialium usum dixi, sentiant nescio; mihi autem
 adeo arrident, ut nunquam sine horrore in me-
 moriam revocare queam miseros hosce quos ad
 statum pessimum tali methodo redactos vidi.

Nemo vero putet me in Gonorrhoea purgatio-
 nem omnino excludere, nihil minus; haud enim
 me latet utilissimam esse cum testes, perinaeum
 &c. tument, ubi cita revulsio ad ea quae sup-
 purationem sequuntur antevertenda necessaria est.
 Nec mercurialia omnino excludo; fateor enim,
 frictionem mercurialem perinaeo applicatam opti-
 mos effectus producere posse. Mercurii enim par-
 ticulae,

ticulae, seipsas per cutis poros, et vasa lymphatica a summa cute orientia insinuando, sensim in ipsam partium laborantium fabricam viam invenient, et veneni particulas corrosivas penitus comminuent et delebunt, atque ita mercurius itinere brevissimo ad virus perducitur, efficacissimus est, nec symptomata pejora reddit. Quoniam morbi sedem initio saltem injectionibus patere supra ostendi, haud abs re erit iis uti ad urinae ardorem allevandum, et veneni spicula obtundenda, et e corpore abluenda. * Sacchar. Satur. in aqua ranarum spermatis injectiones, in hunc effectum, praescribit **ASTRUCIUS**. Supra observavi Gonorrhoeam veneni venerei criticam esse excretionem, inde sequitur ut quodcunque fluxum sistit, virus in sanguinem absorbeat; nihil autem hoc efficacius facit quam injectiones sacchar. satur. quod astringens fortissimum est. Cautè adhibendae sunt omnis generis injectiones, etiam simplicissimae: Aquam enim hordei in urethram frigidam injectam fluxum sistere vidi, et ni fallor, injectionibus plures in luem veneream inciderunt quam omnibus aliis remediis.

* Vid. Lib. 1. p. 265.

Complures novi qui injectionibus specificis plurimum confidebant, iisque utendo credulitatis poenas luerunt.

Vulgò creditur, injectiones mercuriales, eas praecipue quae calomel. praeparantur, qualitatem specificam habere; eas tamen inflammationem gravem nonnunquam inducere vidi; nec mirum est, calomelas enim in nullo menstruo suspendi, vel adeo subtile fieri potest, quin particulas nonnullas in urethra relinquat, et ita vellicationem excitet; omnesque praeparationes mercuriales, ut sublimate corrosiva, &c. quatenus mucum, quo virus continetur, abluunt, noxae sunt; urethrâ enim mucosuo privatâ, urinae sal inflammationem augebit. Injectiones omnes, nisi simplicissimae sint, ductibus parvulis excretoriis admotae, ora eorum angustiora reddent, et secretionum exitum prohibebunt: cum autem secretiones veneno mixtae in sanguinem reversae fuerint, brevi signa visu terribilia edunt; et cum aliquamdiu gyrum sanguinis iniverint, nec exitum invenerint, totum sanguinem corrumpent, aut virus dissipatum seipsum in unum locum colliget, et bubonem, ulcus, exostofin producet. Non solum autem virus includunt, sed urethram contrahunt

trahunt et indurant, strictureas, ischuriam, testium tumores, &c. efficiunt, quae ad supremum usque diem fortasse durabunt : constat igitur nunquam adhibendas esse, nisi veneno expulso et inflammatione subacta. Omnium tutissima et efficacissima est injectio ol. amygd. dulc. vel ol. oliv. rec. ea enim in urethram injecta mucos adhaerebit, et se in cryptas parvulas et urethrae loca vicina insinuabit, et veneno immixta spicula ejus obtundet, partes relaxabit, et adversus urinae falsis vellicationem urethram muniet.

Ut dysuria et dolor minuantur, camphor. paululum, et opii grana aliquot, oleo addere licet. Peni et perinaeo cataplasmata emollientia et fomentationes adhibendae sunt, ut vasorum tensio et resistentia relaxentur, et strictura urethrae etiam removeatur; glans aquâ tepidâ saepe lavanda est, ut auferatur materia quae ibi stagnans partes erodet, et ulcera, phimosis, &c. producat. Durante inflammatione, aeger abstinere venere, aromaticis, liquoribus calefacientibus, nimio exercitio, et victus sit levis et concoctu facilis.

Tertius hujus morbi gradus est, cum aeger erectione involuntaria, titillatione et dysuria liberatur, et cum fluxus albus, flavus et spissitudinis idoneae fit, Gonorrhoea non virulenta (*a Gleet dict.*) a nimia laxitate ductuum excernentium cryptarum urethrae parvularum venit. Hic fluxus aliquando post veneni expulsionem diu manet, et in aegris debilibus saltem omnem medicinae vim interdum superat, et tempore et patientia sola sistendus est. Hic morbi gradus longè alia ratione a prioribus tractandus est, corroborantibus, scil. Attamen haud omnino idoneum esset, simulac symptomata mitiora fiunt, astringentibus statim uti, ne aliquid veneni adhuc lateat et in sanguinem absorbeatur: difficile enim est tempus definire quo corpus omni veneno vacat; de hoc, a symptomatum remissione et similibus, quae interdum fallunt, judicandum: nec iis semper credendum est; veneno enim expulso, dysuriam accidisse, et ad obitum usque durasse vidi; fluoris spissitudo signum prope unicum est, quo medicus tutò nitatur. Utilius igitur erit a stimulantibus mitioribus prius incipere quàm ad corroborantia fortiora progrediamur; rad. rhabarb. remediis terebinth. aut similibus, tinct. canthar. parvâ dosi interpositâ. Si hac methodo diebus aliquot

quot infistatur, nec fluxus interea cesset, sed spissitudinis idoneae fiat, auxilium deinde ab astringentibus fortioribus, * bals. astring. pil. terebin. elect. Peru. stypt. cont. Japon. tinct. antiphth. petendum est, aut † sacchar. Saturn. in ol. terebinth. leni calore dissoluto paululo camphor. addito, quod ab HOFFMANNO ut remedium certissimum celebratur. Ad eundem scopum attingendum, remedia topica in usum vocari debent; inter alia, vix quoddam melius respondet, quam calidi aceti vapores in urethram immissi, et hoc modo tentari queat; Aceti copia in urceolum angusto ore infundatur, ac in illud lapides ardentes immittantur, glans nudata in urceoli os inferatur, cataplasmata farinae avenaceae cum aceto et oleo, peni et perinaeo applicentur. Iniectiones aquae calcis et lactis adhiberi possunt; si autem omnibus hisce remediis fluxus non cedat, tunc utendum est astringentibus fortioribus, solutionibus, scil. mitibus, sacchar. Saturn. vit. alb.

Cavendum tamen est, ne eo usque exhibeantur, ut urethram indurent, ischuriam et stricturas inducant, aegrumque candelis cereis uti cogant, quod nonnunquam fit. Aquarum mineralium usus et
balneum

* Vid. Pharmac. Pauper.

† Vid. Clav. Pharm. Schrod. lib. 3. cap. 15. art. 1-6

balneum frigidum saepe pluris sunt quam omnis materia medica ; balneum ab initio ad finem usque tutò adhiberi potest. Æger victu reficiente, sed non calefaciente, utatur, et a venere, poculis, cibo nimio et saltatione abstineat.

F I N I S.

